



## აკადემიური საბჭოს დებულება



### შინაარსი

პრეამბულა. მოქმედი შემოკლებები და განმარტებები .....	3
მუხლი 1. ზოგადი დებულებები.....	4
მუხლი 2. აკადემიური საბჭოს შემადგენლობა, საბჭოს თავმჯდომარე. აკადემიური საბჭოს უფლებამოსილების ვადა .....	4
მუხლი 3. აკადემიური საბჭოს საქმიანობის პრინციპები, უფლებამოსილებები, უფლებამოსილების განხორციელების ფორმები .....	4
მუხლი 4. აკადემიური საბჭოს საქმიანობის ორგანიზაციული უზრუნველყოფა, მუშაობის წესი, გადაწყვეტილების მიღება.....	6
მუხლი 7. დასკვნითი დებულებები.....	7



### პრეამბულა

1. წინამდებარე დებულება აკადემიური საბჭოს ნორმატიული დოკუმენტია;
2. წინამდებარე დებულება:
  1. შემუშავებულია ბნსუ-ს ხარისხის უზრუნველყოფის სამსახურის მიერ;
  2. განხილულია ბნსუ-ს აკადემიური საბჭოს მიერ, დამტკიცებულია წარმომადგენლობითი საბჭოს მიერ;
  3. ძალაში შედის დამტკიცებისთანავე.
3. დებულებაში ცვლილებები მუშავდება და შედის საჭიროებისამებრ ან/და იმ ნორმატიული დოკუმენტების ცვლილებების გათვალისწინებით, რომლის საფუძველზეც შემუშავდა ეს დებულება;
4. წინამდებარე დებულება ვრცელდება ბნსუ-ის შემდეგ დოკუმენტებზე:
  1. აკადემიური საბჭოს გადაწყვეტილებები/დადგენილებები;
  2. ყველა დოკუმენტი, რომლის მიღების საფუძველს წარმოადგენს აკადემიური საბჭოს გადაწყვეტილებები/დადგენილებები.
5. წინამდებარე დებულების აღრიცხული ეგზემპლარები ინახება:
  1. ბნსუ-ს ადმინისტრაციის ხელმძღვანელთან-კანცლერთან (ორიგინალი);
  2. ბნსუ-ს ხარისხის უზრუნველყოფის სამსახურში (ელ.ვერსია).
6. დებულების ნორმატიული საფუძველი:
  1. საქართველოს კონსტიტუცია;
  2. საქართველოს კანონი განათლების ხარისხის განვითარების შესახებ;
  3. საქართველოს კანონი უმაღლესი განათლების შესახებ და კანონქვემდებარე აქტები;
  4. განათლების სფეროში საქართველოს მოქმედი კანონქვემდებარე ნორმატიული აქტები;
  5. უმაღლესი განათლების ევროპული სივრცის ხარისხის უზრუნველყოფის სტანდარტები და სახელმძღვანელო პროცედურები;
  6. საქართველოს კანონი მეზღვაურთა მომზადებისა და დიპლომირების შესახებ;
  7. საერთაშორისო სტანდარტი ISO 9001:2015 ხარისხის მენეჯმენტის სისტემები - მოთხოვნები;
  8. საერთაშორისო სტანდარტი ISO 9000:2015 ხარისხის მენეჯმენტის სისტემა და ლექსიკონი;
  9. ნდ №2-010101 – ბნსუ-ს წესდება;
  10. ნდ №2-010102 – საქმიანობის მომწესრიგებელი დებულება (შინაგანაწესი);
  11. ნდ №2-020101-01 – „სასწავლო უნივერსიტეტში შიგა ნორმატიული დოკუმენტების დამუშავებისა და მოქმედების უზრუნველყოფის პროცედურა“;
  12. ნდ №2-020101-02 – „სასწავლო უნივერსიტეტის საქმიანობაში გამოყენებადი მოქმედი დოკუმენტების და ფორმების კლასიფიკაციისა და იდენტიფიკაციის პროცედურა“;
  13. ნდ №2-020101-03 – „სასწავლო უნივერსიტეტში დოკუმენტებისა და მონაცემების მართვის პროცედურა“.

### ბნსუ-ში მოქმედი შემოკლებები და განმარტებები

- ISO - სტანდარტიზაციის საერთაშორისო ორგანიზაცია;
- ხს - ხარისხის სისტემა;
- ECTS - კრედიტების ტრანსფერისა და დაგროვების ევროპული სისტემა;
- პროფესიული განათლების კრედიტი - პროფესიული სტუდენტის მიერ შესასრულებელი სამუშაოს მოცულობის (დატვირთვის) გამომხატველი ერთეული;
- სდ - საინფორმაციო დოკუმენტი;
- სსა - საქართველოს საზღვაო ადმინისტრაცია;
- ნორმატიული დოკუმენტი - დოკუმენტი, რომელიც ადგენს სხვადასხვა საქმიანობის წესს, საერთო პრინციპებსა და დახასიათებას და ეხება სხვადასხვა საქმიანობის სახეებს და მათ შედეგებს;
- თანამდებობრივი ინსტრუქცია - შიდა ნორმატიული დოკუმენტი, რომელიც განსაზღვრავს, თანამდებობაზე დანიშნული მუშაკის კვალიფიკაციის მიმართ მოთხოვნებს, მოვალეობებს, უფლებებსა და პასუხისმგებლობას;
- სტრუქტურული ერთეულის დებულება - შიდა ნორმატიული დოკუმენტი, რომელიც განსაზღვრავს სტრუქტურული ერთეულის სტატუსს, საქმიანობის სფეროს ან მიმართულებას, ამოცანებსა და ფუნქციებს, სტრუქტურული ერთეულის ხელმძღვანელის დანიშვნის წესსა და მის თანამდებობრივ ფუნქციებს;
- აღრიცხული ეგზემპლარი - დოკუმენტი, რომელსაც გააჩნია სააღრიცხვო ნომერი აღრიცხული ეგზემპლარების სიის მიხედვით;
- სტუდენტი - პირი, რომელიც კანონმდებლობის შესაბამისად ჩაირიცხა და სწავლობს საბაკალავრო/სამაგისტრო საგანმანათლებლო პროგრამაზე;
- მაგისტრანტი - პირი, რომელიც კანონმდებლობის შესაბამისად ჩაირიცხა და სწავლობს სამაგისტრო საგანმანათლებლო პროგრამაზე;
- პროფესიული სტუდენტი - პირი, რომელიც კანონმდებლობის შესაბამისად ჩაირიცხა და სწავლობს პროფესიულ საგანმანათლებლო პროგრამაზე;
- საგანმანათლებლო პროგრამა - საბაკალავრო / სამაგისტრო / პროფესიული საგანმანათლებლო პროგრამა;
- უსდ/სდ - უმაღლესი საგანმანათლებლო დაწესებულება/საგანმანათლებლო დაწესებულება;
- ბნსუ ან სასწავლო უნივერსიტეტი - შპს „ბათუმის ნავიგაციის სასწავლო უნივერსიტეტი“.

**მუხლი 1. ზოგადი დებულებები**

აკადემიური საბჭო (შემდგომში - საბჭო) არის ბათუმის ნავიგაციის სასწავლო უნივერსიტეტის (შემდგომში - ბნსუ) უმაღლესი საგანმანათლებლო და სამეცნიერო წარმომადგენლობითი და რექტორის სათათბირო ორგანო. შექმნილია ბნსუ-ს საგანმანათლებლო, სასწავლო და სამეცნიერო-კვლევითი საქმიანობის სწორად და ეფექტურად წარმართვის მიზნით, ხელს უწყობს ბნსუ-ს ევროპულ საგანმანათლებლო სივრცეში ინტეგრაციას, საქართველოს და უცხოეთის საგანმანათლებლო, სამეცნიერო, კვლევით და სხვა დაწესებულებებთან თანამშრომლობას, თანამედროვე მოთხოვნების და სტანდარტების შესაბამისი საგანმანათლებლო პროგრამების შემუშავებას და განხორციელებას, სასწავლო პროცესისა და სამეცნიერო-კვლევითი საქმიანობის ხარისხის უზრუნველყოფას, ხელმძღვანელობს საქართველოს კონსტიტუციით, საკანონმდებლო და კანონქვემდებარე ნორმატიული აქტებით, განათლების სფეროში არსებული ეროვნული და საერთაშორისო სტანდარტებით, ასრულებს წინამდებარე და სამეცნიერო-კვლევითი საქმიანობის მარეგულირებელი დებულებებით განსაზღვრულ უფლებამოსილებებს და სხვ.

**მუხლი 2. აკადემიური საბჭოს შემადგენლობა, საბჭოს თავმჯდომარე. აკადემიური საბჭოს უფლებამოსილების ვადა**

1. საბჭოს შემადგენლობა: საბჭოს თავმჯდომარე - ბნსუ-ს რექტორი, საბჭოს წევრები - ფაკულტეტების მიერ არჩეული წევრები (სულ მცირე 02 წევრი თითოეული ფაკულტეტიდან. მითითებული მინიმალურიდან განსხვავებული რაოდენობები მტკიცდება აკადემიური საბჭოს გადაწყვეტილებით. აკადემიურ საბჭოში ყველა ფაკულტეტს ჰყავთ თანაბარი რაოდენობის (მათ შორის, აფილირებული) წარმომადგენელი. საბჭოს წევრი შეიძლება იყოს ბნსუ-ს პროფესორი ან ასოცირებული პროფესორი. საბჭოს წევრები აირჩევიან ფაკულტეტების აკადემიური პერსონალისა (სრული შემადგენლობის) და ფაკულტეტების სტუდენტების მიერ პირდაპირი, თავისუფალი და თანასწორი არჩევნების საფუძველზე ხმათა უმრავლესობით ფარული კენჭისყრით. საბჭოს ჰყავს მდივანი, რომელსაც საბჭო ირჩევს თავისი შემადგენლობიდან წინამდებარე დებულებით დადგენილი წესით. რექტორის ინდივიდუალური აქტით საბჭოში შეიძლება შევიდნენ: რექტორის მოადგილე, ბნსუ-ს ხარისხის უზრუნველყოფის სამსახურის უფროსი, ფაკულტეტების დეკანები, კათედრების გაგებები და/ან სხვ., რომლებიც მონაწილეობენ საბჭოს მუშაობაში კენჭისყრაში ხმის მიცემის უფლების გარეშე;

2. საბჭოში არჩევის ვადა არის 4 წელი. 1) საბჭოს წევრის/თავმჯდომარისთვის უფლებამოსილების შეწყვეტა: პირადი განცხადება, შრომითი ხელშეკრულების შეწყვეტა, აფილირების შეწყვეტა (აფილირებული პირის შემთხვევაში), ფაკულტეტის საბჭოს გადაწყვეტილება ფაკულტეტის მიერ არჩეული საბჭოს წევრისთვის, აკადემიური საბჭოს გადაწყვეტილება საბჭოს წევრისთვის, პარტნიორთა კრების გადაწყვეტილება რექტორისთვის უფლებამოსილების შეწყვეტის შესახებ იწვევს შესაბამისად საბჭოს წევრის/თავმჯდომარის უფლებამოსილების შეწყვეტას. საბჭოს წევრის უფლებამოსილების შეწყვეტის შემთხვევაში მოქმედი საბჭოს უფლებამოსილის დარჩენილი ვადით ახალი წევრის არჩევნები (არაუგვიანეს 02 კვირისა) ტარდება იმ ფაკულტეტზე, რომელზეც იყო არჩეული უფლებამოსილებილი საბჭოს წევრი; 2) საბჭოს უფლებამოსილების შეწყვეტა: პარტნიორთა კრება უფლებამოსილია დაითხოვოს საბჭოს მოქმედი შემადგენლობა და დანიშნოს ახალი არჩევნები (არაუგვიანეს 02 კვირისა) საბჭოს მიერ ერთსა და იმავე საკითხზე ზედიზედ 02-ჯერ გადაწყვეტილების ვერ მიღების შემთხვევაში, თუ ეს საფრთხეს უქმნის ბნსუ-ში სასწავლო პროცესის შეუფერხებელ განხორციელებას და/ან ბნსუ-ს გამართულ მუშაობას.

3. საბჭოს თავმჯდომარე არის ბნსუ-ს უმაღლესი აკადემიური თანამდებობის პირი - ბნსუ-ს რექტორი, რომელიც, ამავდროულად არის სამეცნიერო საბჭოს თავმჯდომარე, ასრულებს წინამდებარე და ბნსუ-ში მოქმედი სამეცნიერო-კვლევითი საქმიანობის მარეგულირებელი დებულებით დაკისრებულ ფუნქციებს, მოქმედებს საბჭოს სახელით და ახორციელებს წარმომადგენლობით ფუნქციებს, საბჭოს სხდომის მიმდინარეობისას უზრუნველავს აზრის თავისუფალ გამოხატვასა და საკითხის სრულყოფილ, ყოველმხრივ განხილვას, საბჭოს გადაწყვეტილების საფუძველზე გამოსცემს ინდივიდუალურ აქტებს, სამეცნიერო-კვლევითი საკითხებზე დებულობს გადაწყვეტილებებს საბჭოსთან შეთანხმებით, ვალდებულია ზრუნავდეს სწავლა-სწავლების ეფექტურად წარმართვაზე, საგანმანათლებლო პროცესისა და სამეცნიერო-კვლევითი საქმიანობის ხარისხზე, აკადემიური და მოწვეული პერსონალის კვალიფიკაციის ამაღლების ხელშეწყობაზე, წარმომადგენს ბნსუ-ს ქვეყნის მიზნით და გარეთ, აკადემიურ და სამეცნიერო სფეროებში, საგანმანათლებლო სივრცეში ბნსუ-ს ინტეგრაციის მიზნით თანამშრომლობს საქართველოს და უცხოეთის საგანმანათლებლო, სამეცნიერო-კვლევითი, დარგობრივ და სხვ. დაწესებულებებთან/ორგანიზაციებთან, უფლებამოსილია დადოს შესაბამისი შეთანხმებები, მემორანდუმები და სხვ. რექტორის უფლებამოსილების შეწყვეტის შემთხვევაში მას უწყდება აკადემიური და სამეცნიერო საბჭოს თავმჯდომარის უფლებამოსილება. რექტორი ანგარიშვალდებულია პარტნიორთა კრების წინაშე.

**მუხლი 3. აკადემიური საბჭოს საქმიანობის პრინციპები, უფლებამოსილებები, უფლებამოსილების განხორციელების ფორმები**

1. საბჭო საქმიანობას ახორციელებს შემდეგი პრინციპების დაცვით:

- მიღებული გადაწყვეტილებების სამართლიანობა, საჯაროობა და ხელმისაწვდომობა ყველა დაინტერესებული პირისათვის;
- აკადემიური თავისუფლება, თანასწორი მოპყრობა განურჩევლად პირის ეთნიკური კუთვნილებისა, სქესისა, სოციალური წარმოშობისა, დისკრიმინაციის დაუსვებლობა პოლიტიკური თუ რელიგიური შეხედულებების ან ნებისმიერი სხვა ნიშნით.

2. აკადემიური საბჭო:

- ამავდროულად არის ბნსუ-ს სამეცნიერო საბჭო. სამეცნიერო საბჭოს უფლებამოსილებების შესრულებისას ხელმძღვანელობს ბნსუ-ში მოქმედი სამეცნიერო-კვლევითი საქმიანობის მარეგულირებელი დებულებით;
- ამტკიცებს ბნსუ-ს სამეცნიერო-კვლევითი საქმიანობის მარეგულირებელ დებულებას და მასში შესატანი ცვლილებებს, სამეცნიერო-კვლევითი საქმიანობის ფორმებს (სამეცნიერო კონფერენციების ორგანიზება/თანაორგანიზება, სტუდენტების და სამეცნიერო პერსონალის სამეცნიერო კონფერენციებში მონაწილეობა, სამეცნიერო ნაშრომები/პუბლიკაციების მომზადება-გამოქვეყნება და სხვ., რაც გათვალისწინებულია ბნსუ-ში მოქმედი სამეცნიერო-კვლევითი საქმიანობის მარეგულირებელი დებულებით) და მათი დაფინანსების ოდენობების, კათედრის შექმნის, გარდაქმნის, გაუქმების შესახებ. ინფორმაციას ზემოთ აღნიშნულის შესახებ გასახნობად წარუდგენს და წარმომადგენლობით საბჭოს;
- განიხილავს ბნსუ-ს პერსონალისა და სტუდენტების სამეცნიერო/კვლევით ნაშრომებს/პროექტებს/სხვ., სასწავლო-მეთოდურ მასალებს, სხვ., რეცენზიებს/დასკვნებს; ქმნის დარგობრივ საკონკურსო კომისიას ნაშრომის/პროექტების/სხვ. სამეცნიერო აქტუალობის, ბნსუ-ს პროიორიტეტებთან შესაბამისობის, შინაარსის აუტენტურობის და ბნსუ-ს მიერ/ბნსუ-ს სახელით/ბნსუ-ს თანამონაწილეობით ამ ნაშრომების გამოცემის/გამოქვეყნების და დაფინანსების მიზანშეწონილობის/შესაძლებლობის დადგენის მიზნით, შეიმუშავებს შესაბამის რეკომენდაციებს და დასკვნებს;
- შეიმუშავებს, განიხილავს და ამტკიცებს საგანმანათლებლო და სამეცნიერო-კვლევითი საქმიანობის ძირითად და პროიორიტეტულ მიმართულებებს, სამეცნიერო-კვლევითი საქმიანობის გეგმას და შემაჯამებელ ანგარიშს;
- შეიმუშავებს და პარტნიორთა კრებას განსახილველად წარუდგენს ბნსუ-ს წესდებაში შესატანი ცვლილებების პროექტებს;
- პარტნიორთა კრების გადაწყვეტილებით ან საკუთარი ინიციატივით განიხილავს საქართველოს და უცხოეთის საგანმანათლებლო



- დაწესებულებებთან ერთობლივი და გაცვლითი პროგრამების შემუშავებისა და განხორციელების, საქართველოს და უცხოეთის საგანმანათლებლო, სამეცნიერო-კვლევით, დარგობრივ და სხვ. ორგანიზაციებთან, დაწესებულებებთან/ცენტრებთან/სხვ. ერთობლივი სამეცნიერო-კვლევითი საქმიანობის განხორციელების შესაძლებლობას;
- შეიმუშავებს/განიხილავს და წარმომადგენლობით საბჭოს დასამტკიცებლად წარუდგენს: ბნსუ-ში აკადემიური თანამდებობის დასაკავებლად კონკურსის და ატესტაციების ჩატარების პროცესს და წესებს; აკადემიური პერსონალის დატვირთვის ზღვრულ ოდენობას; აკადემიური საბჭოს დებულებას და შესატან ცვლილებებს; სასწავლო პროცესის მარეგულირებელ წესებს და შესატან ცვლილებებს; ბნსუ-ს განვითარების მოკლევადიანი და გრძელვადიანი გეგმების, მისიის, სტრატეგიული პრიორიტეტების პროექტებს და შესატან ცვლილებებს; წინადადებებს ძირითადი საგანმანათლებლო ერთეულის (ფაკულტეტის/სხვ.) შექმნის, გარდაქმნის, გაუქმების, მატერიალური რესურსებით უზრუნველყოფის, საგანმანათლებლო პროგრამების ფინანსური და მატერიალური რესურსებით უზრუნველყოფის შესახებ; რეკომენდაციებს ბნსუ-ს მიერ/ბნსუ-ს მონაწილეობით ღონისძიებების (კვალიფიკაციის ამაღლების და სასერთიფიკატო კურსების/სემინარების/მასტერკლასები/ტრენინგები/სხვ., სპეციალისტების მოწვევა, სხვ.) ჩატარების, ბნსუ-ს მიერ/ბნსუ-ს სახელით/თანამონაწილეობით ჟურნალის, კრებულების, სარეკლამო-საინფორმაციო ბუკლეტების და სხვ. მომზადების, თარგმნის, გამოცემის მიზანშეწონილობის/აუცილებლობის შესახებ;
  - ფაკულტეტის საბჭოს წარდინებით განიხილავს და ამტკიცებს: ახალ და მოდიფიცირებულ საგანმანათლებლო პროგრამებს; რეკომენდაციებს ახალი საგანმანათლებლო პროგრამის(ებ)ის შემუშავების, მოქმედ პროგრამებში ცვლილებების შეტანის ან მოქმედი პროგრამის(ებ)ის გაუქმების შესახებ; საგანმანათლებლო პროგრამების ხელმძღვანელებს; სასწავლო წლის დასაწყისში შემუშავებულ კოეფიციენტებს ერთიანი ეროვნული გამოცდებისთვის; სამაგისტრო გამოცდის კოეფიციენტებს სამაგისტრო გამოცდებისთვის; საგანმანათლებლო პროგრამებზე მისაღები კონტინგენტის რაოდენობას, საგანმანათლებლო პროგრამებზე სწავლის მსურველთა მიმართ დამატებით მოთხოვნებს; ფაკულტეტის საქმიანობის ძირითად მიმართულებებს, პროგრამებს, გეგმებს და პროექტებს, სამეცნიერო-კვლევითი საქმიანობის ყოველწლიურ გეგმებს და ანგარიშებს; მოწვეული პერსონალის შერჩევის კრიტერიუმებს; წინადადებებს საპატიო დოქტორის და ემირიტუსის წოდების მინიჭების შესახებ;
  - ბნსუ-ს ხარისხის უზრუნველყოფის სამსახურის წარდგინებით განიხილავს და ამტკიცებს: ხარისხის უზრუნველყოფის სამსახურის მიერ შემუშავებულ შიდა შეფასების წესს, მეთოდებს და კრიტერიუმებს, სხვადასხვა შეფასების/გამოკითხვის ანკეტებს/კითხვარებს, ინსტრუქციებს, წესებს, ფორმებს და სხვ., ჩატარებული მონიტორინგის/შეფასების შედეგებს, შემუშავებულ რეკომენდაციებს, დაეგმილ ღონისძიებებს და სხვ. საჭიროების შემთხვევაში - შეიმუშავებს შესაბამის რეკომენდაციებს;
  - ადმინისტრაციის ხელმძღვანელი-კანცლერის წარდგინებით განიხილავს საგანმანათლებლო პროგრამების უზრუნველყოფის, მატერიალურ-ტექნიკური ბაზის განახლება-სრულყოფის, სხვადასხვა პროგრამების/პროექტების და ღონისძიებების ჩატარებისა და დაფინანსების მიზანშეწონილობის საკითხებს და ბნსუ-ს ბიუჯეტს;
  - განიხილავს რექტორის, განიხილავს და ამტკიცებს ბნსუ-ს ხარისხის უზრუნველყოფის სამსახურის უფროსის, ფაკულტეტების დეკანების და კათედრების ხელმძღვანელების ყოველწლიურ და სხვა ანგარიშებს;
  - განიხილავს საბაკალავრო, სამაგისტრო/სხვა კვლევით ნაშრომში და სამეცნიერო ნაშრომში/სახელმძღვანელოში/მეთოდურ მასალაში/სხვ. დაფიქსირებული პლაგიატის, გაყალბების, ფალსიფიცირების ან მანიპულირების ფაქტებს; ქმნის ამ საკითხების შემსწავლელ კომისიას, ფაქტის დადასტურების შემთხვევაში მიმართავს ბნსუ-ს რექტორს დისციპლინური წარმოების დაწყების მიზნით;
  - იღებს გადაწყვეტილებას: საგანმანათლებლო პროგრამის გაუქმების, შრომის ბაზრისა და დამსაქმებლების მოთხოვნების გათვალისწინებით საგანმანათლებლო პროგრამების მოდიფიცირების, ახალი საგანმანათლებლო პროგრამების შემუშავების შესახებ; ბნსუ-ს ევროპულ საგანმანათლებლო სივრცეში ინტეგრაციის მიზნით საგანმანათლებლო, სამეცნიერო-კვლევითი, პრაქტიკული პროგრამების, პროექტების და სხვ. შემუშავების შესახებ; საპატიო დოქტორის და ემირიტუსის წოდების მინიჭების შესახებ;
  - უფლებამოსილია:
    - მიიღოს საბჭოს რეგლამენტი, გადაწყვეტილება, დადგენილება, მიმართვა, განცხადება, მოისმინოს და ცნობად მიიღოს ინფორმაცია, შეიმუშაოს რეკომენდაციები;
    - საჭიროებისამებრ ამა თუ იმ საკითხის სრულფასოვანი შესწავლის, გადაწყვეტილების მიღების ან კონკრეტული სამუშაოს შესრულების მიზნით მოიწვიოს სპეციალური კომპეტენციის მქონე პირები ან/და შექმნას დროებითი კომისია/სამუშაო ჯგუფი;
    - ნებისმიერ დროს ბნსუ-ს ხარისხის უზრუნველყოფის სამსახურის უფროსს, ფაკულტეტის დეკანს, საგანმანათლებლო პროგრამების ხელმძღვანელს და განმახორციელებელს, ბნსუ-ში მოქმედი/შექმნილი კომისიის/სამუშაო ჯგუფის თავმჯდომარის მო-თხოვოს შესრულებული სამუშაოს შესახებ ანგარიშის წარდგენა;
    - მიიღოს გადაწყვეტილება სამეცნიერო ნაშრომების/პროექტების საკონკურსო კომისიის მიერ მიღებული დასკვნის სრულად/ნაწილობრივ გაზიარების ან გაზიარებაზე უქრის თქმის შესახებ;
    - მიიღოს გადაწყვეტილება აკადემიური კეთილსინდისიერების სტანდარტების დარღვევის შემსწავლელი კომისიის მიერ მიღებული დასკვნის გაზიარებაზე უარის თქმის (მათ შორის, საკითხის განმეორებით შესწავლის) ან არსებული დასკვნის გაზიარების (უცვლელად დატოვების) და შესაბამისი დისციპლინური საჩივრის დაკისრების მოთხოვნის შესახებ;
    - წინამდებარე დებულებაში აღწერილი წესით მიიღოს გადაწყვეტილება/მოთხოვნა საბჭოს წევრისთვის, რექტორისთვის, ფაკულტეტის დეკანისთვის, ბნსუ-ს ხარისხის უზრუნველყოფის სამსახურის უფროსისთვის უფლებამოსილების შეწყვეტის შესახებ;
    - წინამდებარე დებულებაში აღწერილი წესით შეაჩეროს, შეცვალოს, გააუქმოს საბჭოს მიერ უკვე მიღებული გადაწყვეტილება;
    - წინამდებარე დებულებაში აღწერილი წესით თავისი კომპეტენციის ფარგლებში განიხილოს და შეაჩეროს, შეცვალოს ან გააუქმოს ფაკულტეტის საბჭოს კონკრეტული გადაწყვეტილება (გარდა კვალიფიკაციების მინიჭების გადაწყვეტილებისა);
    - ფაკულტეტის საბჭოს მიერ ერთსა და იმავე საკითხზე ზედიზედ 02-ჯერ გადაწყვეტილების ვერ მიღების შემთხვევაში (თუ ეს საფრთხეს უქმნის ბნსუ-ში სასწავლო პროცესის შეუფერებელ განხორციელებას და/ან ბნსუ-ს გამართულ მუშაობას) თავისი კომპეტენციის ფარგლებში განიხილოს საკითხი და მიიღოს შესაბამისი გადაწყვეტილება;
    - განხორციელებს წინამდებარე დებულებით და ბნსუ-სი მოქმედი სამეცნიერო-კვლევითი საქმიანობის მარეგულირებელი დებულებით დადგენილი და საქართველოს კანონმდებლობით ნებადართული სხვა საქმიანობა ბნსუ-ს მიერ დადგენილი მარეგულირებელი წესების, განსაზღვრული პრიორიტეტების, ბნსუ-ს ავტონომიის და აკადემიური თავისუფლების ფარგლებში, გადაწყვიტოს თავისი დადგენილებით საბჭოს საქმიანობასთან დაკავშირებული საკითხი, რომელიც მოწესრიგებული არ არის წინამდებარე წესით, მიიღოს გადაწყვეტილება იმ საკითხზე, რომელიც ეხება ბნსუ-ს საქმიანობას და მიეკუთვნება საბჭოს კომპეტენციის სფეროს, მაგრამ არ არის მითითებული წინამდებარე დებულებაში.
  - აკადემიური საბჭო ანგარიშვალდებულია პარტნიორთა კრების წინაშე.



#### მუხლი 4. აკადემიური საბჭოს საქმიანობის ორგანიზაციული უზრუნველყოფა, მუშაობის წესი, გადაწყვეტილების მიღება

1. საბჭოს სხდომებს უძღვება საბჭოს თავმჯდომარე – ბნსუ-ს რექტორი (რექტორის არყოფნის/უფლებამოსილების შეწყვეტის შემთხვევაში - მისი მოადგილე ან რექტორის მოვალეობის შემსრულებელი);
2. საბჭოს საქმიანობას უზრუნველყოფს საბჭოს მდივანი (ამავდროულად სხდომების მდივანი) - საბჭოს მიერ თავისი შემადგენლობიდან ღია კენჭისყრით სხდომაზე დანსწრე წევრთა ხმათა უმრავლესობით არჩეული პირი, რომელიც პასუხისმგებელია საბჭოს წევრთა დოკუმენტურ და საინფორმაციო უზრუნველყოფაზე და სხდომის ორგანიზებაზე, ადგენს და საბჭოს წევრებს გადასცემს სხდომაზე განსახილველი საკითხების ჩამონათვალს და შესაბამის მასალას, აწარმოებს სხდომის ოქმებს და სხვ.;
3. აკადემიური საბჭოს მუშაობის წესი, გადაწყვეტილების მიღება, სხდომის ოქმი.
  - სამეცნიერო-კვლევითი საქმიანობასთან დაკავშირებულ საკითხებს აკადემიური საბჭო წევრებს ბნსუ-ში მოქმედი სამეცნიერო-კვლევითი საქმიანობის მარეგულირებელი დებულებით დადგენილი წესისა და პროცედურების დაცვით;
  - საბჭო იკრიბება საჭიროებისამებრ, მაგრამ არანაკლებ ერთხელ კალენდარული წლის განმავლობაში;
  - განცხადება საბჭოს სხდომის ჩატარების თარიღის, დროისა და განსახილველი საკითხების შესახებ უნდა გაკეთდეს სხდომამდე ერთი კვირით (ინფორმაცია განთავსდება ბნსუ-ს ვებ-გვერდზე და/ან საინფორმაციო დაფაზე). განსახილველი მასალები საბჭოს წევრებს მიეწოდებათ სხდომის გამართვამდე მინიმუმ 05 კალენდარული დღით ადრე (გარდა განსაკუთრებული შემთხვევებისა, როდესაც ობიექტური გარემოებების გამო ამ ვადის დაცვა შეუძლებელია);
  - რიგგარეშე სხდომის მოწვევის უფლება აქვთ პარტნიორთა კრებას, რექტორს და საბჭოს წევრთა უმრავლესობას. რიგგარეშე სხდომის დანიშვნის მოთხოვნა, დღის წესრიგის პროექტი და შესაბამისი მასალები საბჭოს წევრებს მიეწოდებათ სხდომის გამართვამდე მინიმუმ 02 კალენდარული დღით ადრე (გარდა იმ შემთხვევისა, როდესაც ობიექტური გარემოებების გამო ამ ვადის დაცვა შეუძლებელია);
  - საბჭოს წევრი უფლებამოსილია მოითხოვოს სხდომის დღის წესრიგის პროექტში დამატებითი განსახილველი საკითხის შეტანა. აღნიშნული მოთხოვნა და შესაბამისი მასალები გადაეცემა მასალები გადაეცემა საბჭოს თავმჯდომარეს და სხვა წევრებს სხდომის გამართვამდე მინიმუმ 05 კალენდარული დღით ადრე (გარდა იმ შემთხვევისა, როდესაც ობიექტური გარემოებების გამო ამ ვადის დაცვა შეუძლებელია);
  - საბჭოს თავმჯდომარე უფლებამოსილია საჭიროების შემთხვევაში (გადაუდებელი აუცილებლობიდან ან საკითხის სიმარტივიდან გამომდინარე) საბჭოს სხდომაზე საკითხი წარმოადგინოს წინასწარი მოზადების გარეშე;
  - საბჭოს თავმჯდომარეს შეუძლია სხდომის მიმდინარეობა ან კონკრეტული საკითხის განხილვა გარკვეული დროით შეაჩეროს ან შეწყვიტოს, თუ საკითხები აქტუალური აღარ არის ან სხდომის ჩატარების მომენტისთვის ამოწურულია;
  - საბჭო უფლებამოსილია მიიღოს გადაწყვეტილება, თუ მას ესწრება სრული შემადგენლობის 2/3;
  - საბჭოს სხდომაზე გადაწყვეტილება მიიღება ღია კენჭისყრით (გარდა კანონმდებლობით და წინამდებარე დებულებით გათვალისწინებული შემთხვევებისა);
  - საბჭოს მიერ გადაწყვეტილება მიღებულად ითვლება, თუ მას მხარს დაუჭერს სხდომაზე დამსწრე წევრთა 1/2-ზე მეტი (გარდა წინამდებარე დებულებით გათვალისწინებული შემთხვევებისა);
  - გადაწყვეტილების მიღებისას საბჭოს წევრები სარგებლობენ თანაბარი ხმის უფლებით. გადაწყვეტილების მიღებისას ხმების თანაბრად გაყოფის შემთხვევაში გამარჯვებულია საბჭოს თავმჯდომარის ხმა;
  - სხდომის დღის წესრიგში დამატებითად საკითხის შეტანა ხდება საბჭოს გადაწყვეტილებით, ღია კენჭისყრით სხდომაზე დამსწრე წევრთა უმრავლესობით;
  - საბჭოს წევრთა რაოდენობის 1/3-ს უფლება აქვს მოითხოვოს ფარული კენჭისყრა. კენჭისყრა იქნება ფარული, თუ მას მხარი დაუჭირა დამსწრე წევრთა უმრავლესობამ. ამ შემთხვევაში, ღია კენჭისყრის წესით, საბჭოს დამსწრე წევრთა უმრავლესობით, აირჩევა ხმისდათმეული კომისია მინიმუმ 02 წევრის შემადგენლობით. კენჭისყრის შედეგები ფორმდება ოქმით. კენჭისყრის პროცედურის ჩატარებისას კომპალეზა საბჭოს წევრის მიერ სხდომის დარღვაზე დატოვება. კენჭისყრის შემდეგ ბიულეტენები ინახება სპეციალურ კონვერტში, რომელიც ერთვის სხდომის ოქმს (ინახება ოქმთან ერთად);
  - საბჭოს წევრთა სრული შემადგენლობის არანაკლებ 2/3-ის მიერ შეიძლება დადგეს ფაკულტეტის საბჭოს მიერ მიღებული გადაწყვეტილების გადასინჯვის, შეჩერების, შეცვლის ან გაუქმების საკითხი, თუ ეს საკითხი მიეკუთვნება აკადემიური საბჭოს კომპეტენციის სფეროს (გადაწყვეტილება მიიღება ღია კენჭისყრით, სხდომაზე დამსწრე წევრთა ხმათა 2/3-ით);
  - საბჭოს წევრთა სრული შემადგენლობის არანაკლებ 2/3-ის მიერ შეიძლება დადგეს აკადემიური საბჭოს მიერ უკვე მიღებული გადაწყვეტილების გადასინჯვის, შეჩერების, შეცვლის ან გაუქმების საკითხი (გადაწყვეტილება მიიღება ღია კენჭისყრით, სხდომაზე დამსწრე წევრთა ხმათა 2/3-ით);
  - საბჭოს წევრთა სრული შემადგენლობის არანაკლებ 2/3-ის მიერ შეიძლება დადგეს აკადემიური საბჭოს წევრისთვის უფლებამოსილების შეწყვეტის საკითხი მის მიერ საქართველოს კანონმდებლობის, ბნსუ-ში მოქმედი ეთიკის კოდექსის და ქვეყნის წესების დარღვევის, ბნსუ-ს გამართული საქმიანობისთვის ხელისშემშლის ან დაკისრებული მოვალეობების არასათანადოდ შესრულების საფუძველით (გადაწყვეტილება მიიღება ფარული კენჭისყრით, სხდომაზე დამსწრე წევრთა ხმათა 2/3-ით);
  - საბჭოს წევრთა სრული შემადგენლობის არანაკლებ 2/3-ის მიერ შეიძლება დადგეს საკითხი რექტორისთვის უფლებამოსილების შეწყვეტის საკითხი მის მიერ საქართველოს კანონმდებლობის, ბნსუ-ში მოქმედი ეთიკის კოდექსის და ქვეყნის წესების დარღვევის, ბნსუ-ს გამართული საქმიანობისთვის ხელისშემშლის ან დაკისრებული მოვალეობების არასათანადოდ შესრულების საფუძველით (გადაწყვეტილება მიიღება ფარული კენჭისყრით, სხდომაზე დამსწრე წევრთა ხმათა 2/3-ით). უფლებამოსილების შეწყვეტა ხდება აკადემიური საბჭოს მოტივირებული მოთხოვნით პარტნიორთა კრების გადაწყვეტილებით;
  - საბჭოს წევრთა სრული შემადგენლობის არანაკლებ 2/3-ის მიერ შეიძლება დადგეს საკითხი ბნსუ-ს ხარისხის უზრუნველყოფის სამსახურის უფროსისთვის და ფაკულტეტის დეკანისთვის უფლებამოსილების შეწყვეტის საკითხი მის მიერ საქართველოს კანონმდებლობის, ბნსუ-ში მოქმედი ეთიკის კოდექსის და ქვეყნის წესების დარღვევის, ბნსუ-ს გამართული საქმიანობისთვის ხელისშემშლის ან დაკისრებული მოვალეობების არასათანადოდ შესრულების საფუძველით (გადაწყვეტილება მიიღება ფარული კენჭისყრით, სხდომაზე დამსწრე წევრთა ხმათა 2/3-ით). უფლებამოსილების შეწყვეტა ხდება საბჭოს მოტივირებული მოთხოვნით რექტორის ბრძანებით;
  - საბჭოს სხდომაზე დამსწრე წევრთა არანაკლებ 1/2-ის მიერ მიიღება გადაწყვეტილება აკადემიური კეთილსინდისიერების სტანდარტების დარღვევის შემსწავლელი კომისიის შექმნის შესახებ. გადაწყვეტილება მიიღება ღია კენჭისყრით, სხდომაზე დამსწრე წევრთა ხმათა 1/2-ით (გადაწყვეტილება ფორმდება რექტორის ბრძანებით);
  - საბჭოს წევრთა სრული შემადგენლობის არანაკლებ 2/3-ის მიერ განიხილება აკადემიური კეთილსინდისიერების სტანდარტების დარღვევის შემსწავლელი კომისიის დასკვნა დარღვევის ფაქტის შესახებ. გადაწყვეტილება დასკვნის გაზიარებაზე უარის თქმის (მათ შორის, საკითხის განმეორების შესწავლის) ან დასკვნის გაზიარების (უცვლელად დატოვების) და შესაბამისი დისციპლი-



- ნური სანქციის დაკისრების მოთხოვნის შესახებ მიღება დახურულ სხდომაზე, ღია კენჭისყრით დამსწრე წევრთა ხმათა 2/3-ით (გადაწყვეტილება ფორმდება რექტორის ბრძანებით);
- საბჭოს წევრთა სრული შემადგენლობის არანაკლებ 2/3-ის მიერ განიხილება სამეცნიერო ნაშრომების/პროექტების შემსწავლელი საკონკურსო კომისიის დასკვნა კონკურსში გამარჯვებული ნაშრომების/პროექტების შესახებ. გადაწყვეტილება დასკვნის გაზიარებაზე უარის თქმის ან სრულად/ნაწილობრივ გაზიარების შესახებ მიღება დახურულ სხდომაზე, ღია კენჭისყრით დამსწრე წევრთა ხმათა 2/3-ით (გადაწყვეტილება ფორმდება რექტორის ბრძანებით);
  - საბჭოს სხდომაზე, ცალკეული საკითხების განხილვაში მონაწილეობის მისაღებად შესამდგებელია მოწვეულ იქნენ პირები, რომლებიც დაკავშირებული არიან სხდომის დღის წესრიგში მოცემულ საკითხთან (კენჭისყრაში არ მონაწილეობენ);
  - საბჭო უფლებამოსილია მიიღოს გადაწყვეტილება სხდომის რეგლამენტით გათვალისწინებული, გადაუდებელი ან სპეციფიკური საკითხების გადაწყვეტის მიზნით ექსპერტის მოწვევის და/ან დროებითი კომისიის შექმნის და მომდევნო სხდომებზე მათი მოხსენების/ანგარიშის განსახილვის შესახებ;
  - საბჭოს მიერ მიღებული გადაწყვეტილებები ფორმდება საბჭოს სხდომის ოქმით, რომელსაც აწარმოებს სხდომის მდივანი;
  - თუ სხდომაზე მიმდინარეობს აუდიო- ან ვიდეო- ჩანაწერი, მაშინ ჩანაწერი ინახება ოქმის წერილობით გაფორმებამდე და ხელმოწერამდე;
  - საბჭოს ყველა სხდომაზე დგება სხდომის ოქმი, რომელშიც უნდა მიეთითოს:
    - მართვის ორგანოს დასახელება;
    - სხდომის თარიღი და ადგილი;
    - სხდომის თავმჯდომარის, სხდომის მდივნის, წევრების ვინაობა;
    - სხდომაზე მოწვეულ/დამსწრე პირთა სია (არსებობის შემთხვევაში);
    - დღის წესრიგი;
    - გამოთქმული მოსაზრებები, კენჭისყრის შედეგები;
    - მიღებული გადაწყვეტილება;
    - სხდომის ოქმს ხელს აწერს საბჭოს თავმჯდომარე და მდივანი.
  - საბჭოს სხდომის ოქმი ხელმისაწვდომია დაინტერესებული პირისათვის, გარდა განსაკუთრებული შემთხვევებისა (სხდომის ან მისი ნაწილის დახურვა);
  - საბჭოს საქმიანობასთან დაკავშირებულ ყველა საკითხს, რომელიც მოწესრიგებული არ არის წინამდებარე წესით, საბჭო წყვეტს თავისი დადგენილებით;
  - საბჭოს მიერ გადაწყვეტილების ვერ მიღების შემთხვევაში არაუგვიანეს 07 კალენდარული დღისა ინიშნება მომდევნო სხდომა;
  - საბჭოს მიერ ერთსა და იმავე სკიოთხზე ზედიზედ 02-ჯერ გადაწყვეტილების ვერ მიღების შემთხვევაში (თუ ეს საფრთხეს უქმნის ბნსუ-ში სასწავლო პროცესის შეუფერხებელ განხორციელებას და ბნსუ-ს გამართულ მუშაობას) პარტნიორთა კრება უფლებამოსილია თავად განიხილოს საკითხი და მიიღოს შესაბამისი გადაწყვეტილება;
  - პარტნიორთა კრება უფლებამოსილია განიხილოს შედეგად მოტივირებული გადაწყვეტილებით შეაჩეროს, შეცვალოს ან გააუქმოს აკადემიური საბჭოს კონკრეტული გადაწყვეტილება.

#### მუხლი 5. დასკვნითი დებულებები

1. აკადემიური საბჭოს დებულება ძალაში შედის წარმომადგენლობით საბჭოზე დამტკიცებისთანავე;
2. წინამდებარე დებულების ძალაში შესვლისთანავე უქმდება ბნსუ-ს წინამდებარე დებულების ძალაში შესვლამდე მოქმედი აკადემიური საბჭოს საქმიანობის მომწესრიგებელი წესები;
3. აკადემიური საბჭოს წევრები ვალდებული არიან გაეცნონ წინამდებარე დებულებას და შეასრულონ მისი მოთხოვნები. ბნსუ-ს ადმინისტრაცია ვალდებულია ნებისმიერ დროს მისცეს მათ დებულების გაცნობის შესაძლებლობა;
4. აკადემიური საბჭოს დებულებაში ცვლილებებისა და დამატებების შეტანის ინიციატორი შეიძლება იყოს პარტნიორთა კრება, რექტორი, აკადემიური საბჭო, იურიდიული სამსახური;
5. აკადემიური საბჭოს დებულებაში ცვლილებებისა და დამატებების შეტანა ხორციელდება წარმომადგენლობითი საბჭოს გადაწყვეტილებით;
6. წინამდებარე დებულების მუხლებს წანამდგრებული აქვს სათაურები ტექსტით სარგებლობის გასაადვილებლად, ეს სათაურები არ მიიჩნევა რომელიმე მუხლის განმსაზღვრელად, შემცვლელად ან განმმარტებლად;
7. წინამდებარე დებულების რომელიმე მუხლის/დებულების ძალადაკარგულად/ბათილად ცნობა არ ვრცელდება დებულების სხვა მუხლებზე/დებულებებზე;
8. ყველა საკითხი, რომელიც არ არის გათვალისწინებული წინამდებარე დებულებით და ბნსუ-ში მოქმედი სხვა მარეგულირებელი დებულებებით/წესებით, რეგულირდება საქართველოში მოქმედი კანონმდებლობით;
9. წინამდებარე დებულება ძალას კარგავს ახალი დებულების დამტკიცების შემთხვევაში.